

Rasvjetljeno više krivičnih djela iz oblasti autokriminala

07.12.2017 11:35

Službenici Uprave policije MUP-a TK-a (Sektor kriminalističke policije – Odjeljenje za opći kriminalitet) su radeći na rasvjetljavanju i dokumentovanju krivičnih djela iz oblasti imovinskih delikata – autokriminala počinjenih na području Tuzlanskog kantona, u saradnji sa Kantonalnim tužilaštvom Tuzlanskog kantona, došli do operativnih saznanja o mogućim počiniocima navedenih krivičnih djela, a radi se o četiri lica sa područja Zeničko-dobojskog kantona koja su od ranije poznata policiji.

S tim u vezi, dana 06.12.2017.godine u saradnji sa službenicima MUP-a Zeničko-dobojskog kantona, na području njihove nadležnosti, izvršeni su pretresi na četiri lokacije, kojom prilikom su pronađeni i privremeno oduzeti mobilni aparati, dok je jedno lice lišeno slobode.

Nastavljajući daljnji rad na pomenutim krivičnim djelima, policijski službenici MUP-a TK-a su Kantonalnom tužilaštvu Tuzlanskog kantona podnijeli Izvještaj protiv navedena četiri lica sa područja Zeničko-dobojskog kantona, zbog postojanja osnova sumnje da su tokom mjeseca maja i juna 2017.godine na području Tuzlanskog kantona, s ciljem pribavljanja protivpravne imovinske koristi, počinili ukupno 7 KD-a Teška krađa (od čega su 4 otuđenja motornih vozila).

Lice lišeno slobode je, uz Izvještaj, predato Kantonalnom tužilaštvu Tuzlanskog kantona na dalje postupanje.

*Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>*